



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1709. usque ad annum 1714

Fleury, Claude

August. Vind. [u.a.], 1782

VD18 90119266

§. 19. Diversæ Pontificis Constitutiones & Epistolæ.

[urn:nbn:de:hbz:466:1-67615](https://nbn-resolving.org/urn:nbn:de:hbz:466:1-67615)

Sæc. XVIII.
A. C. 1713.

§. XIX.

*Diversæ Pontificis Constitutiones
& epistolæ.*

Epist. Clem.
XI. p. 2806.
Gottfrid.
Hist. cont.
Chron. l. 15.
pag. 20.

Inter anxias curas, quibus paternum summi Pontificis pectus in tanta temporum calamitate excruciabatur, haud infima erat Hiberniæ Catholicis graviter vexatis succurrendi sollicitudo; cum enim hi omni prorsus auxilio destituti, ab Eterodoxis Magistratibus, aliisque publica auctoritate communitis omnium calamitatum genere premerentur, nihilque intentatum relinqueretur, ut omne orthodoxæ Religionis vestigium, & vel ipsum Romanæ Ecclesiæ nomen in ea, quæ olim Sanctorum Insula merito appellari, prorsus aboleretur, quinimo Schesburius Dux ac Hiberniæ Pro-Rex pro opprimendis Catholicis subsidia a Calvinistis peteret, hinc Pontifex die decima quarta Januarii datis literis Cæsarem, Ludovicum Franciæ Regem & Victorem Amadæum Sabaudia Ducem sollicitabat, ut ad eorum rumnas, quibus miseri illi Catholicis exagitantur, levandas validum conferre velint auxilium: Solatium tamen afflicto Pontifici attulerant literæ, quibus Fridericus Augustus Regius Poloniæ & Electoralis Saxonie Princeps

& Augusti Poloni Regis Filius significabat, quod hæresin ejurare, fidemque Catholicam palam profiteri decrevisset: eapropter Pontifex eidem rescribens, meritas tribuit laudes, & Pontificiæ charitatis testimonia amplissima pollicitus est. Nuntiatum erat Pontifici, quod Guilielmus Hyacinthus Nassovio - Sigenus Princeps religione Catholicus sua dominia & bona, ut honestæ suæ sustentationi prospiceret, Patrueli suo Adolpho Nassovio A catholicico cedere meditaretur; cum ergo haud levia inde in Catholicam religionem damna derivari timeret Pontifex, die undecima Februarii Lotharium Franciscum Moguntinum Archiepiscopum atque Electorem rogabat, ut præfatum Principem ab hoc proposito revocare, vel si jam cessisset, hunc contractum rescindi, eique certum proventum assignari curaret, ut commode ac decenter ali possit. Cum autem A catholici pro more suo in Ademariæ Principatu Ecclesiasticam jurisdictionem, & Catholicæ fidei exercitium excludere molirentur, imo eo jam temeritatis progressi essent, ut cum Vicarius Generalis Trevirensis Confluentiæ degens illius loci Parocho inhibuisset, ne quosdam sponso Matrimonio conjungeret, ipsisque Sponsis

Sæc. XVIII.
A. C. 1713.

Vid. supra
pag. 93.

Nn 3 diem

Sæc. XVIII. diem apud se dixisset, A catholici præ-
A. C. 1713. fato Parocho injunxerint, ne huic man-
 dato pareret, sed celebrationi hujus
 Matrimonii interesset, indicta gravi
 pœna tam huic quam Sponsis, si Vi-
 carii judicio se sistere auderent. Re
 comperta Pontifex die duodecima e-
 jusdem Mensis Carolo a Lotharinga
 Trevirensi Archiepiscopo atque Electori
 injunxit, ut congruis mediis eorum-
 dem A catholicorum audaciam coercere
 niteretur. Eodem ferme tempore Ver-
 denensis Monasterii Abbas Ord. S. Bene-
 dicti summo Pontifici significabat, quod
 Borussia Rex sua fretus potentia nullo
 titulo legitimo in Abbatia bona & ju-
 risdictionalia olim jure acquisita, & ab
 Imperatoribus confirmata manus in-
 jecerit, & reclamante Abbate vi oc-
 cuparit, hinc Pontifex die octava Apr-
 ilis Caroli Cæsaris, Moguntini & Pa-
 latini Electorum patrocinium implora-
 bat, ut erepta huic Monasterio redde-
 rentur. Præterea die tertia decima
 Maij gravibus verbis Pontifex Hugoni
 Francisco Episcopo Litomericensi Me-
 tropolitanæ Ecclesiæ Coloniensis De-
 cano exprobrabat, quod Universitatem
 Coloniensem Apostolicæ jurisdictioni
 subjectam, amplis Pontificum privile-
 giis & Ecclesiasticis proventibus ditata-
 tam, & Ecclesiasticis potissimum Pro-
 fessio-

fessoribus provisam sæculari jurisdic- Sæc. XVIII.
 ctioni subiecisset, & Casparem Huygen A. C. 1713.
 præfatæ Universitatis Professore, &
 intrusum illius Decanum, etsi eum
 Joannes Baptista Cardinalis Bussi ad
 Rheni Tractum Nuntius Apostolicus
 excommunicatum declarasset, ex lai-
 calis tamen potestatis mandato in sua
 perveracia confoveret, utque male usur-
 patam Decanatus possessionem & usum,
 reclamante ferme tota Universitate re-
 tinere posset, strenue eniti ausus fue-
 rit, & Professorum hunc Decanum
 agnoscere recusantium bona Ecclesia-
 stica sequestro ex laicæ potestatis jussu
 supposuerit. Summopere autem exag-
 gerabat Pontifex, quod etsi præfatus
 Episcopus ob violatam Ecclesiæ im-
 munitatem censuris innodatus fuisset,
 in ipso tamen Paschatis die solemne
 Missæ Sacrificium Colonix obtulerit,
 hinc Pontifex eundem hortabatur, ut
 quæ nequiter egerat, congrua emen-
 datione corrigat, a Pontificalibus ab-
 stineat, ac conscientia suæ protinus
 consulat, priusquam Deus manum
 suam ad feriendum extendat, cum au-
 tem idem Episcopus contempto Ponti-
 ficis præcepto etiam in die Pentecostes
 solemni more sacrificasset, Pontifex die
 prima Julii significavit, hunc ab in-
 gressu Ecclesiæ, a Divinis, & Pontifi-
 calium

Sæc. XVIII. calium usu esse suspensum, proin illum
 A. C. 1713. Canonici ab omni Capitulari conventu
 excluderent, Breve Apostolicum in
 Capitulo prælegi, illudque huic Epi-
 scopo indicari satagerent.

Compererat Pontifex, quod Impe-
 ratrici Elisabethæ Christinæ Germa-
 niam repetenti, ejus Parentes obviam
 processuri essent, hinc arrepta inde
 occasione eam die decima tertia Maii
 hortabatur, ut ipsos ad ejurandam hæ-
 resin & amplectendam fidem Catho-
 licam proposito sui, sui que Avi & Ami-
 tæ suæ exemplo permovere niteretur.
 Cum autem Prussæ Rex in Ducatu
 Cliviensi, aliisque suis ditionibus, Pa-
 rochis Catholicis præcepisset, ut Do-
 minicis, festisque diebus in sua quis-
 que Ecclesia certas preces ad postulan-
 dum sectæ Calvinianæ incrementum
 ex suggestu recitarent, ideo Pontifex
 die decima septima Junii Imperatorem,
 atque Electorem Palatinum exorabat,
 ut Parochos ab iniquo hoc mandato
 eximi curarent. Insuper eadem die
 datis literis vehementer objurgabat
 Capitulum & Canonicos Ecclesiæ Ca-
 thedralis Coloniensis, quod non semel
 admoniti & requisiti cohibere neglexe-
 rint audaciam concivis sui Hieronymi
 Beck, qui famoso libello Alexandri
 Borgiæ Apostolicæ Nuntiaturæ Ad-
 mini-

ministratoris famam & honorem fædifi-
 fimis contumeliis, calumniisque pro-
 fcindere ausus erat, etsi Trevirensis
 Elector hunc libellum a sua Diæcesi
 sub gravissimis pœnis proscripserit, alii-
 que Germaniæ Antistites, & Principes,
 apud quos præfatus Hieronymus an-
 tea in pretio erat, illius opera dein-
 cept nullatenus uti decreverint. Ea-
 propter Pontifex his Canonicis injun-
 xit, ut inustam eorum nomini labem
 prompto remedio abstergere haud cun-
 starentur. Trigesimo die ejusdem
 Mensis Universæ Nationi Maronitarum
 Pontifex significabat, quod Sacra Con-
 gregatio Propagandæ Fidei per Decre-
 tum a Papa confirmatum declararit,
 Jacobi Patriarchæ exauctorationem ab
 ipsis factam esse injustam, nec accusa-
 tionum capita satis probari, proin eum
 pristinum in locum esse restituendum,
 hinc Maronitis præcepit, ut præfato
 Patriarchæ debitam præstent obedi-
 tiam. Paulopost nuntiatum Pontifici,
 quod Canonici Colonienses cum quo-
 dam Acatolico Principe convenissent,
 ut in urbe Rhenobergeni pro Calvinianæ
 sectæ exercitio palam habendo Ecclesia
 aperiretur, hinc eos die decima quinta
 Julii gravibus literis admonuit, ut ejus-
 modi consiliis fortiter resistent.

Sæc. XVIII.
 A. C. 1713.

Vid. supra
pag. 382.
Bull. magn.
part. 2.
pag. 425.

Nn 5

Jana

Sæc. XVIII.

A. C. 1713.

Vid. supra

l. 214. t. 67.

S. 9. pag.

561. & 569.

Jam anno hujus sæculi septimo Pontifex apud Sabaudix Ducem vehementer querebatur contra Ebrodunensis Archiepiscopi Officiale Hieronymum Marcellum Mastieram, qui suam jurisdictionem, quamvis a Sede Apostolica prohibitus, in Niciensi urbe exercere pergebat, se in hoc officio tueretur, Laicos Magistratus adiit, & ab eo decreta sacræ Sedi injuriosa extorsit, quæ circa Pontifex die decima quinta Julii Canonicis, & univerto Clero Niciensi denuntiabat, omnes jurisdictionales actus, gestos, ac gerendos ab hoc Officiali esse nullos, irritosque, eisque inhibuit, ne hunc, ut Officiale agnoscerent, nec ullum ei obedientiæ obsequium exhiberent, sed tanquam excommunicatum haberent, eo quod contempto Apostolico interdicto Officium ibidem palam exercere ausus esset. Cum autem Carolus Imperator ingentem pecuniarum summam, quæ ei ex hæreditario assè Legati sui apud Danos residentis obvenerat, in Septentrionalium Missionum commodum, & Ecclesiarum Hamburgensis, Altennæ, Hainiensis & Wolfenbutelanæ reparacionem largiter erogasset, & pecunias, quæ superessent, in fundis fructiferis, ut inde Sacerdotes earumdem Ecclesiarum ali & sustentari possent, collocari

cari jussisset, hinc Papa die vigesima Sæc. XVIII.
 nona Julii datis literis Cæsari præcla- A. C. 1713.
 rum hoc pietatis documentum gratu-
 latus est. Postquam vero eidem Pon-
 tifici innotuit, quod Hannoveranus
 Dux Sacerdotibus & Ludimagistris Ca-
 tholicis in ejus ditione degentibus cer-
 tam juramenti formulam in præjudi-
 cium Catholicæ fidei præscripsisset,
 ideo eundem Imperatorem, Saxo - Ci-
 tensem, & Schrattenbachium Cardi-
 nales, atque Electorem Palatinum enixe
 die duodecima Augusti precabatur,
 ut sua auctoritate ejusmodi mandatum
 penitus abrogari efficiant: Principem
 vero Egonem de Fürstenberg Saxonix
 Administratorem die vigesima sexta
 ejusdem Mensis admonuit, ut cujus-
 dam Authoris audaciam compesceret,
 qui Lipsiæ libellum componere, typis-
 que vulgare præsumpsit, quo Catho-
 licam religionem, ejusque Sectatores,
 ipsumque Augustum Electorem ac Po-
 lonix Regem acerbissimis calumniis,
 & contumeliis proscidit. Restrinxit e-
 tiam Pontifex asylorum usus, dum
 die nona Septembris per Cameracen-
 sem Archiepiscopum Superioribus in-
 junxit, ne in locis immunibus exci-
 piant aut retineant Milites desertionis
 aut cujuscunque alterius criminis reos.
 Insuper die decima sexta Septembris
 Atha-

Sæc. XVIII. Athanasium Patriarcham Antiochenum
 A. C. 1713. Ritus Græci commendabat, eoquod
 in illis regionibus cultum Orthodoxæ
 Religionis promovisset, admonuit quo-
 que Martinum de Ratabon Episcopum
 Vivariensem, ceterosque Franciæ Epi-
 scopos recens nominatos, ne Regaliæ
 consentiant, ab iisque omnibus absti-
 neant, unde illius usus quodam-
 modo admissus credi posset. Cum au-
 tem Batavi arcibus Leodiensi & Hu-
 yensi militum præsidia imposuissent,
 Pontifex Philippum Hispaniarum Re-
 gem die vigesima quinta Novembris
 rogabat, ut sua ope has arcus Hollan-
 dorum manibus eximi curaret, Cano-
 nicos vero Leodienses de impenso hoc
 officio certiores reddidit. Decevit e-
 tiam Pontifex die decima Aprilis, quod
 Confratres Sodalitatis B. V. de monte
 Carmelo, si in una Dominica cujusque
 Mensis præscriptas supplicationes per-
 agere nequeant, Ecclesias hujus Con-
 fraternitatis visitando, & alia præscri-
 pta opera adimplendo statutis diebus,
 consuetas indulgentias consequantur.
 Die autem secunda Septembris confir-
 mavit decretum S. Rituum Congrega-
 tionis super cultu immemorabili S. Li-
 berati de Lauro Franciscani & B. Gre-
 gorii X. Pontificis.